

Admela Hodžić

Zastupnica u Skupštini Kantona Sarajevo

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

N/r predsjedavajućeg

Vlada Kantona Sarajevo

Ministarstvo zdravstva Kantona Sarajevo

Ministarstvo komunalne privrede infrastrukture, prostornog uređenja, građenja i zaštite
okoliša Kantona Sarajevo

ZASTUPNIČKA INICIJATIVA

Na osnovu člana 211. Poslovnika Skupštine Kantona Sarajevo („Službene novine Kantona Sarajevo”, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 i 47/24) upućujem inicijativu Ministarstvu zdravstva Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, da obezbijede sredstva iz vodnih naknada i drugih sredstava za provođenje kontrole zdravstvene ispravnosti vode za piće sa lokalnih vodovoda, kojima ne upravljaju javna komunalna preduzeća, a što je i propisano Zakonom o vodama Kantona Sarajevo ("Sl. novine Kantona Sarajevo", br. 18/10, 43/16 i 44/22).

O B R A Z L O Ž E N J E

Sve češće se dešava da je voda iz lokalnih vodovoda neispravna za piće prema onome što nalaže Pravilnik o zdravstvenoj ispravnosti vode za piće („Sl. novine BiH“, br. 40/10, 43/10, 30/12 i 62/17) i da kontrola ove vode nije usaglašena sa procedurama ovog Pravilnika. Ovaj problem najčešće imamo sa vodom iz lokalnih vodovoda, a kojima ne upravljaju javna komunalna preduzeća, na području općine Hadžići, općine Vogošća i drugih općina Kantona Sarajevo.

Član 7. (Provjera zdravstvene ispravnosti vode)

Provjeru zdravstvene ispravnosti vode namijenjene javnom vodosnabdijevanju vrše nadležni inspektorati entiteta i Brčko Distrikta Bosne i Hercegovine (u daljnjem tekstu: Brčko Distrikt), preko zavoda i instituta za javno zdravstvo entiteta i Brčko Distrikta.

Potrebno je redovno vršiti kontrolu kvaliteta vode sa lokalnih izvorišta putem Zavoda za Javno zdravstvo, sve radi očuvanja zdravlja korisnika, jer se i monitoring zdravstvene

ispravnosti vode za piće vrši na osnovu Pravilnika o zdravstvenoj ispravnosti vode za piće BiH, od strane laboratorije Javne ustanove Zavoda za javno zdravstvo Kantona Sarajevo za koje treba izdvojiti određena sredstva.

Prema Zakonu o vodama FBiH („Sl. novine F BiH”, br. 70/06) prikupljene vodne naknade (opće i posebne) raspoređuju se na sljedeći način:

1. nadležnoj agenciji za vode 40%,
2. u korist Budžeta Kantona 45% i
3. u korist Fonda za zaštitu okoliša Federacije 15%.

Dakle od ukupno prikupljenih vodnih naknada 45% sredstava pripada budžetu kantona, koja su isključivo namjenska sredstva i raspoređuju se na Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo u čijoj nadležnosti je vodosnabdijevanje i odvodnja otpadnih voda (50%) i na Ministarstvo privrede Kantona Sarajevo za regulaciju riječnih korita (50%).

Shodno tome Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo u čijoj nadležnosti je vodosnabdijevanje, treba u 2025. godini izdvojiti dio sredstava za provođenje kontrole zdravstvene ispravnosti vode za piće na svim lokalnim izvorima koja trenutno nisu pod kontrolom javnih komunalnih preduzeća. Takvih izvorišta ima značajan broj u Kantonu Sarajevo i sa njih se snabdijeva veliki broj stanovnika, i to im je jedina mogućnost opskrbe pitkom vodom.

Imajući u vidu načelo jednakosti i pravičnosti svi stanovnici Kantona Sarajevo trebaju koristiti zdravstveno ispravnu vodu za piće što propisuje i važeća zakonska regulativa.

Ovom inicijativom tražim da Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i Ministarstvo zdravstva Kantona Sarajevo obezbijede potrebna sredstva koja su neophodna Zavodu za javno zdravstvo da vrši redovnu kontrolu zdravstvene ispravnosti vode za piće sa lokalnih izvorišta Kantona Sarajevo.

Sarajevo, 28.03.2025. godine

Admela Hodžić

zastupnica